

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Historiae ecclesiasticae saeculi ... XVI supplementum

Fecht, Johann

Francofurti et Spirae, 1684

VD17 VD17 3:315948Z

IV.

[urn:nbn:de:bsz:31-122751](#)

A.1600.

P A R S S E P T I M A.

789

Belgicas novitates haberem quidem, sed describere in hac festinatione non licet. Dubitatur, an Albertus vivat vel mortuus sit. Admiralius captus est, Vexilla hostibus erpta 113. utrinq; 9. millia ceciderunt, bis mille Hollandi, Hispani præcipui & flos exercitus ipsorum decussus est. Mauritius pleraque Castella occupavit & Niportum speratur brevi expugnaturus. Sed forte vos certiora isthie habetis. Carolus Dux Sueciæ, non nomine quidem, sed re Rex est. Renunciatio fertur brevi futura. Cum Lubecensibus tractat de conditionibus pacis. Polonicus exercitus à Maximiliano fusus scribitur. Interim Turca se recolligit, ut exhaustos bellis intestinis facilius opprimat. Reverendum & Clarissimum Virum, D. Johannem Pappum, officio saluto, meo & generi, D. Davidis Lobechii nomine, cui pervelim filium Matthæum data occasione de meliore modo ac forma commendes. Bene vale cum honestissima conjugi & tota domo, Dat. Rostochii, 7. Augusti, ao. 600.

T. R. S.

Val. Schachtius.

IV.

*Salutem per Christum, Reverende & clarissime Domine
Doctor, frater in Christo honorande, & plurimum dilecte.*

Spero & opto, te cum honestissima conjugi ac liberis rectè valere, ac filium meum Matthæum in officio suo fideliter fungi, Deumque oro, ut suo spiritu nos omnes doceat & gubernet. Gratias, quantas animus concipere possit, maximas tibi pro indebita erga me & filium benevolentia & multiplicibus beneficiis ago, & referam precibus & aliis officiis, quæ præstari a me poterunt. Illustrissimus princeps noster Uldaricus laborat de Doctore Davide Rungio, in locum D. Chytræ substituendo, a quo mei Collegæ non abhorrent. Superintendens Lubecensis, M. Pouchenius ante mensem piè in Christo obdormivit status istius urbis & Ecclesiæ satis deploratus est. Carolus Sueciæ gubernator cum exercitu in Livonia arces aliquot occupavit & Rigenibus etiam bellum denunciauit. Rex Scotiæ mirabiliter servatus, & ex manibus duorum comitum, yitæ ipsius insidiantium, sanguivolentis vix liberatus est, quos minister ipsius, unum post alterum, adorientes regem strictis gladiis, confoscos intermit. Apud nos omnia mediocria. Filio meo sis pater & vale

Ggggg 3

cum

cum tota familia. Salutant vos omnes domestici mei. Dat. Rost. 10. No-
vemb. a.o. 600.

I. R. S.

Val. Schachtius.

V.

S. Reverende & Clarissime Domine Doctor Philippe, Domine & amice vetus, cum
observantia honorande.

Lector ex animo, tibi tuisque bene esse, & propter insignem doctrinam, pie-
tatem, ac modestiam, & multa ac magna in me, & Matthæum meum officia
& beneficia, te sicut decet, veneror, amo, & modis omnibus colendum cca-
seco. Quæso, ut in illius salute ac commodis promovendis non obrepat tibi
taedium vel molestia ulla, & si forte quid causæ accidat ad offensionem moven-
dam, id prudentiæ ac lenitati tue corrigendum permitto. Succurseriam ipsi
consilio & ope tua, quando ea videbitur indigere. Audio, D. Davidem Run-
giūm vocari in locum defuncti D. Chyträi, quo eventu tempus dabit. D. Fre-
derus nondum plene restitutus est priori incolumitati suæ. Utinam tandem
restituatur! A&io Brunsuicensis cum suo principe optato successu caruit. Ca-
rolus Dux Suecæ totam fere Livoniā sibi subegit, excepta urbe Rigen. Quid
in Comitiis Warsovienisbus contra ipsum fuerit decretum, postmodum cognoscemus. Ego & D. Lucas rejuvenescimus in novis & Juvenibus Professoriis
bus, qui paulo post emigraturis nobis substituuntur, & DEUM oramus, ut
veritatem & pacem apud nos & alibi servet, quæ duo eximia DEI dona pas-
sim desiderari gementes audimus, ne dicam, hic etiam experimur. Reve-
renter saluto Superintendentem vestrum, D. Doctorem Johannem Pappum,
& alios Theologos ac Professores vestros orthodoxos, cum quibus in Domino
unitatem fidei ac confessionis servare studemus. Bene vale cum lexitissima
conjuge, & liberis charissimis. Dat. Rost. 15. Februarii, anno 1601.

Tua Rev. Dign.

studieff.

Val. Schachtius.

VL